



# Халқ сўзи

Ўзбекистон –  
келажаги  
буюк  
давлат

1991 йил 1 январдан чиқа бошлаган

E-mail: Info@xs.uz

2012 йил 20 январь, № 14 (5434)

Жума

## 2012 ЙИЛ ВАТАНИМИЗ ТАРАҚҚИЁТИНИ ЯНГИ БОСҚИЧГА КЎТАРАДИГАН ЙИЛ БЎЛАДИ



### ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ ҚАРИМОВНИНГ 2011 ЙИЛНИНГ АСОСИЙ ЯҚУНЛАРИ ВА 2012 ЙИЛДА ЎЗБЕКИСТОННИ ИЖТИМОЙ-ИҚТИСОДИЙ РИВОЖЛАНТИРИШНИНГ УСТУВОР ЙЎНАЛИШЛАРИГА БАҒИШЛАНГАН ВАЗИРЛАР МАҲКАМАСИНИНГ МАЖЛИСИДАГИ МАЪРУЗАСИ

Хурматли мажлис иштирокчилари!

Вазирлар Маҳкамасининг бугунги кенгайтирилган мажлисининг кун тартиби ўтган 2011 йилда мамлакатимизни ижтимоий-иқтисодий ривожлантириш яқунларини баҳолаш ва 2012 йилга мўлжалланган иқтисодий дастурнинг энг муҳим устувор йўналишларини белгилаб олиш масалаларига бағишланган.

2011 йилда иқтисодиётимизни ривожлантиришнинг амалий яқунлари таҳлилига ўтишдан олдин кейинги йилларда жаҳон иқтисодиётида кузатилаётган ўзгаришлар ва, авваламбор, турли салбий тенденциялар ҳақида қисқача тўхталиб ўтишни ўринли, деб биламан.

Шулар ҳақида гапирганда, дунёдаги таъкир иқтисодчилар, нуфузли эксперт ва мутахассисларнинг баҳолари ва чиқараётган хулосалари принципал жиҳатдан ягона бир фикрга келмоқда.

Жаҳон иқтисодиётига, биринчи навбатда, ривожланган йирик мамлакатлар иқтисодиётига 2008 йилда бошланган глобал молиявий-иқтисодий инқироз ҳали-бери салбий таъсир кўрсатмоқда.

Ўтган давр мобайнида аҳволни яхшилаш мақсадида кўрилатган барча чора-тадбирларга қарамадан, аксарият давлатларда ўсиш суръатлари ва ишлаб чиқаришнинг амалда пасайиши кузатилмоқда ва бундай жаҳон давом этадиган бўлса, у глобал майдонда рецессия ҳолатига, яъни иқтисодиётнинг ўсиш ўрнига давомли равишда пасайиб боришига олиб келиши мумкинлиги башорат қилинмоқда.

Кўпгина тараққий топган мамлакатларда вазият қандай тус олишини олдиндан айтиб бўлмайдиган ва турли хавф-хатарлар сақланиб қолган бир шариоатда давлат қарзлари ва давлат бюджети тақчилиги тўбора ортиб бормоқда.

Шу билан бирга, жаҳон захира валюталарининг бекарорлиги, молия-банк тизими кредит қобилиятининг кескин пасайиши ва инвестициявий фаоллиқнинг суъсийи билан боғлиқ мураккаб муаммолар кўплаб давлатлар иқтисодиётининг

тикланиш ва ўсиш суръатларига салбий таъсир кўрсатмоқда.

“Сақизлик” ва “Йигирмалик” деб аталган мамлакатлар гуруҳлари доирасида қабул қилинаётган қарорларга қарамадан, энг аввало, жаҳон молия-валюта тизимида инқироз келтириб чиқараётган муаммоларни ҳал этиш ва керакли назорат ўрнатиш бўйича ягона иқтисодий модель ханузгача ишлаб чиқилмаган. Бу эса жаҳон иқтисодиётида ҳал қилувчи ўрин тутадиган йирик давлатларни ўз манфаатларини ўйлаб, ўз билганча ҳаракат қилишга мажбур этмоқда.

Шуни тан олиш керакки, сўнгги йилларда жаҳон иқтисодиётида юзага келаётган муаммолар, асосан, кўшимча пул босиб чиқариш ва молия бозорини шундай пуллар билан тўлдириш ҳисобидан ҳал этилиши кўзга ташланмоқда. Бу эса, ўз навбатида, келгусида жолловлаб бўлмайдиган инфляцияга, яъни қимматчиликка, захира ва миллий валюталарнинг қадрсизланишига ва шу билан боғлиқ оғир оқибатларга олиб келиши мумкин.

Ўз-ўзидан аёнки, жаҳон бозорида кечаётган инқироз жараёнида ўтган давр мобайнида мамлакатимиз иқтисодиётининг ривожланиш кўрсаткичларига таъсир кўрсатмасдан қолмади ва Ўзбекистон иқтисодиётининг 2012 йилга мўлжалланган ўсиш суръатлари ва самардорлигини таъминлашда катта қийинчиликлар туғдириши мумкин. Биринчи навбатда, дунё бозорида ҳом ашё ва тайёр маҳсулотга эҳтиёжнинг тўбора пасайиб боришини ҳисобга оладиган бўлсак, бундай ҳолат мамлакатимизнинг экспорт салоҳияти ва валюта тушумига салбий таъсир кўрсатмасдан қолмайди, албатта.

Хурматли мажлис иштирокчилари!

Шундай муаммоларга, шунингдек, ўзимиздаги мавжуд айрим мураккаблик ва қийинчиликларга қарамадан, халқимизнинг фидокорона меҳнати эвазига эришилган 2011 йилнинг яқунлари билан ҳақи равишда фахрланишимиз учун бугун барча асосларимиз бор.

Охириги йилларда ва ўтган йили мамлакатимиз иқтисодиётини ривожлантириш борасида кўлга киритилган натижалар Халқаро валюта жамғармаси, Жаҳон банки, Осиё тараққиёт банки ва бошқа нуфузли халқаро молия ташкилотлари томонидан юсак баҳоланмоқда.

Халқаро валюта жамғармасининг кейинги баҳолаш миссияси баёнотида, жумладан, бундай дейилади: “Ўзбекистон жадал ўсишга эришди ва глобал молиявий инқирозга қарши самарали чоралар кўрди. Кейинги беш йилда Ўзбекистонда ўсиш суръатлари ўртача 8,5 фоизни ташкил этди ва бу Марказий Осиёдаги ўртача ўсиш кўрсаткичидан юқоридир.

Қатор йиллар давомида кузатишган бюджет профицити, расмий захиралар даражасининг юқорилиги, давлат қарзининг камлиги, барқарор банк тизими ва халқаро молия бозорларидан қарз олишга эҳтиёткорлик билан ёндашиш мамлакатни глобал инқирознинг бевоқиф оқибатларидан ҳимоя қилди... Миссия 2011 йилда ялпи ички маҳсулот 8,3 фоиз қўшимчини кутмоқда ва ўрта мuddатли истиқболда иқтисодиётнинг юқори ўсиш суръатлари сақланиб қолишини башорат қилмоқда”.

Таъкидлаш жоизки, ўтган йили мамлакатимизда ялпи ички маҳсулотнинг ўсиш суръати, кутилганидек, амалда 8,3 фоизни ташкил этди. 2000 — 2011 йиллар мобайнида ялпи ички маҳсулот ҳажми 2,1 баробар ошди. Мазкур кўрсаткич бўйича Ўзбекистон дунёнинг иқтисодиёти жадал ривожланаётган мамлакатлари қаторидан жой олди.

Ўтган йили sanoat ишлаб чиқариши 6,3 фоиз, қишлоқ хўжалиги маҳсулотлари етиштириш 6,6 фоиз, чакана савдо айланмаси 16,4 фоиз ва аҳолига пуллик хизматлар кўрсатиш 16,1 фоизга барқарор юқори суръатлар билан ўсди.

Иқтисодиётимизда юз бераётган жиддий тарқийби ва сифат ўзгаришларини биргина мисолда, яъни 2000 йилда мамлакатимиз

ялпи ички маҳсулотини шакллантиришда sanoat ишлаб чиқаришининг улуши бор-ўйги 14,2 фоизни ташкил этган бўлса, 2011 йилда бу кўрсаткич 24,1 фоизга етганида яққол кўриш мумкин.

Sanoat маҳсулоти умумий ўсишининг қарийб 70 фоизини юқори қўшимча қийматга эга бўлган тайёр маҳсулот ишлаб чиқаришга йўналтирилган соҳалар ташкил этди. Бугунги кунда иқтисодиётимизнинг локомотивига айланган машинасозлик ва автомобилсозлик (12,2 фоиз), кимё ва нефть-кимё sanoati (9,4 фоиз), озик-овқат sanoati (13,1 фоиз), қурилиш материаллари sanoati (11,9 фоиз), фармацевтика ва мебелсозлик (18 фоиз) 2011 йилда жадал суръатлар билан ривожланди.

Истеъмол товарлари ишлаб чиқариш ҳажми 2011 йилда 11,2 фоизга ўсди. 2000 йилга нисбатан эса бу кўрсаткич 4 баробардан зиёд ошди.

Таъкидлаш керакки, иқтисодиётнинг етакчи тармоқларида тарқийби ўзгаришларни амалга ошириш ва бу соҳаларни диверсификация қилишга қаратилаётган улкан эътибор экспорт ҳажми, унинг тарқийби ва сифатига ижобий таъсир кўрсатди.

2011 йилда экспорт маҳсулотлари ҳажми 2010 йилга нисбатан қарийб 15,4 фоизга кўлайди ва 15 миллиард доллардан кўпроқни ташкил этди. Бу 2000 йилга нисбатан 4,6 баробар зиёддир. Ташқи савдо айланмасининг ижобий сальдоси 4 миллиард 500 миллион доллардан ошди. Экспорт тарқийбида тайёр маҳсулотлар улуши 60 фоизни ташкил этди, холбуки, 2000 йилда бу кўрсаткич қарийб 46 фоизни ташкил этган эди.

Ўзбекистон иқтисодиётининг барқарор ва мутаносиб ривожланиб бораётганини 2005 йилдан бошлаб Давлат бюджети профицит билан бажарилаётгани ҳам яққол тасдиқлаб турибди.

2011 йилда Давлат бюджетининг харажатлар қисми 2010 йилга нисбатан 25,4 фоизга, 2000 йилга нисбатан эса қарийб 17,8 баробар ўсди. Қайд этиш жоизки, Давлат бюджети харажатларининг 58,7 фоизи ижтимоий соҳани молиялаш ва аҳолининг кам таъминланган қатламларини кўлаб-қувватлашга йўналтирилди.

Мана бу рақамларга алоҳида эътиборингизни жалб этмоқчиман. 2012 йилнинг 1 январь ҳолатига кўра, мамлакатимизнинг умумий ташқи қарзи ялпи ички маҳсулотнинг 17,5 фоизидан, экспорт ҳажмига нисбатан эса 53,7 фоиздан ошмайди. Бу халқаро мезонлар бўйича “Хар жиҳатдан мақбул ҳолат”, деб ҳисобланади.

Буларнинг барчаси мустакиллигимизнинг илк йилларидан бошлаб ҳам давлат, ҳам тижорат банклари, компания ва корхоналар микросида хар томонлама пухта ўйланган четдан қарз олиш сиёсатини амалга ошириб келаётганини билан боғлиқ эканини, ўйламанки, тушуниш, англаш қийин эмас.

Шу ўринда мамлакатимиз молия-банк тизимида содир бўлаётган ижобий ўзгаришларни манмуният билан қайд этмоқчиман.

2011 йилда банкларнинг капиталлашуви, уларнинг барқарорлиги ва ликвидлигини янада мустаҳкамлашга қаратилган изчил ва аниқ мақсадли чора-тадбирлар амалга оширилди.

Охириги беш йил давомида мамлакатимиз банк сектори капиталининг етариллик даражаси банк назорати бўйича Базель кўмитаси томонидан 8 фоиз этиб белгиланган халқаро мезондан устун бўлиб кўрсаткич бўлган даражани ташкил этмоқда.

Шуни манмуният билан таъкидлаш керакки, “Стандарт энд Пурс”, “Мудис” ва “Фитч Рейтингс” каби нуфузли халқаро рейтинг агентликлари икки йилдан буён Ўзбекистон банк тизимида муттасил равишда “барқарор” рейтинг даражасини бермоқда, айна пайтда мамлакатимизнинг шундай баҳога сазовор бўлган банклари сони йилдан-йилга ортиб бормоқда.

(Давоми 2-бетда).

### ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ МАЖЛИСИ ТЎҒРИСИДА АХБОРОТ

19 январда Ўзбекистон Республикаси Вазирлар Маҳкамасининг 2011 йилда республикани ижтимоий-иқтисодий ривожлантириш яқунларига ва 2012 йилда иқтисодий тарқийби барқарор ривожлантиришнинг энг муҳим устувор вазифаларига бағишланган мажлиси бўлиб ўтди. Мажлисда Ўзбекистон Республикаси Президенти Ислам Каримов маъруза қилди.

Давлат раҳбарининг маърузасида жаҳонда умумэтироф этилган ривожланишнинг “ўзбек модели”ни ҳамда қабул қилинган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясининг устувор йўналишларини изчил амалга ошириш натижасида, жаҳон иқтисодиётида юз бераётган инқирозли ҳолатларга қарамай, 2011 йилда мамлакат иқтисодиётини ўстиришнинг юқори суръатлари барқарорлиги ва макроиқтисодий мувоzanатлилик таъминланганлиги қайд этилди.

Республикада амалга оширилаётган ислохотлар ва жаҳон молиявий инқирозининг салбий таъсирларига қарши кўрилатган чора-тадбирлар самардорлиги Халқаро валюта жамғармаси, Жаҳон банки, Осиё тараққиёт банки сингари обрўли халқаро молиявий ва иқтисодий институтлар томонидан юқори баҳоланаётганлиги алоҳида таъкидланди. Жумладан, Халқаро валюта жамғармасининг 2011 йил ноябрь ойида мамлакатимизга келган миссиясининг баёнотида Ўзбекистон изчил ўсишга эришганлиги ва глобал молиявий инқирозга қарши муваффақиятли чоралар кўраётганлиги қайд этилган, шунингдек, ўрта мuddатли истиқболда иқтисодий ўсишнинг юқори суръатлари сақланиб қолиши ҳақида ижобий прогноз билдирилган.

2011 йил яқунлари бўйича мамлакат ялпи ички маҳсулотининг ўсиши 8,3 фоизни, sanoat маҳсулотлари ишлаб чиқариш ҳажми ўсиши 6,3 фоизни, қишлоқ хўжалиги маҳсулотлари етиштириш ҳажми ўсиши 6,6 фоизни, аҳолига пуллик хизматлар кўрсатиш ҳажми ўсиши 16,1 фоизни ташкил этди. Давлат бюджети ялпи ички маҳсулотга нисбатан 0,4 фоиз микдорда профицит билан ижро этилди. Инфляция даражаси белгиланган прогноз кўрсаткичдан ошмади.

Мамлакатимиз экспорт қилувчи корхоналарининг рақобатбардорлиги нуктаи назардан устунликларини тўлиқ рўбга чиқариш, экспорт тарқийбининг диверсификациялаш ва маҳсулотларини сотишни янги ташқи бозорларини фаол ўзлаштириш бўйича аниқ мақсадга йўналтирилган ишлар олиб борилиши 2011 йилда экспорт ҳажми 15,4 фоизга ўсишини, ташқи савдо балансининг сезиларли микдордаги ижобий сальдосини ва мамлакат олтин-валюта захиралари ўсишини таъминлади.

Молия-банк тизимини ислоҳ қилишни янада чуқурлаштириш ва унинг молиявий барқарорлигини ошириш бўйича комплекс чора-тадбирларни амалга оширишни давом эттириш республика банк тизими капиталининг етариллик даражасининг юқори кўрсаткичлари сақланиб қолишини ҳамда кредитлаш кўламлиги кенгайтирилишини таъминламоқда. Ҳисобот йилида банкларнинг активлари 32,4 фоизга ўсди. Ўзбекистон тижорат банкларининг барқарор ва ижобий ривожланиш прогнози етакчи халқаро рейтинг агентликлари томонидан ҳам тасдиқланмоқда.

Фаол инвестиция сиёсати амалга оширилиши ҳамда иқтисодиётнинг энг муҳим тармоқларини модернизация қилиш, техник ва технологик жиҳатдан қайта жиҳозлаш, транспорт ва инфратузилма коммуникацияларини ривожлантириш бўйича устувор инвестиция лойиҳалари амалга оширилиши капитал қўйилмаларни ўзлаштириш ҳажмини 11,2 фоизга кўпайтириш имконини берди. 1006 та янги ишлаб чиқариш қувватлари ишга туширилди, 144 та йирик инвестиция лойиҳасини амалга ошириш тугалланди.

Қишлоқ жойларда янги тураржой

массивларини қуриш ва замонавий инфратузилмани шакллантириш бўйича тизимли ишларни амалга ошириш давом эттирилди. 2011 йилда 156 та қишлоқ туманида “Қишлоқ қурилиш банк” акциядорлик тижорат банкнинг имтиёзли кредитлари ҳисобига намунавий лойиҳалар бўйича 7,4 мингта уй-жой фойдаланишига топширилди.

“Кичик бизнес ва хусусий тадбиркорлик йили” Давлат дастури доирасида кичик бизнес ва хусусий тадбиркорликни ривожлантириш учун энг қулай ишбилармонлик муҳитини шакллантиришга доир кенг қўламли ишлар олиб борилиши 2011 йил яқунлари бўйича мамлакат ялпи ички маҳсулотига кичик бизнес улуши 2010 йилдаги 52,5 фоиз ўрнига 54 фоизга кўпайишига кўмаклашди.

2011 йилда иш ўринлари ташкил этиш ва аҳоли бандлигини таъминлаш дастури параметрларини сўзсиз бажариш юзасидан амалга оширилган чора-тадбирлар қарийб 1 миллионга иш ўрни ташкил этилишини таъминлади, уларнинг 68 фоизидан ортиги қишлоқ жойларга тўғри келади.

Мамлакатимиз Президенти ўз маърузасида хал этилмаган мавжуд муаммоларни батафсил ва хар томонлама таҳлил қилди ҳамда 2012 йилда мамлакатни ижтимоий-иқтисодий ривожлантиришнинг энг муҳим устувор вазифалари ва йўналишларини бажаришга қаратилган дастурий вазифаларга атрофлича тўхталиб ўтди.

Вазирликлар, идоралар, хўжалик бирлашмалари ва маҳаллий ижро этувчи ҳокимият органлари раҳбарлари олдида иқтисодиётни ўстиришнинг юқори ва барқарор суръатларини сақлаб қолишни, макроиқтисодий барқарорликни янада мустаҳкамлашни, шунингдек, иқтисодиётнинг изчил ислоҳ қилиш, тарқийби ўзгариши ва диверсификациялаш чуқурлаштириш, янги, юқори технологияли ишлаб чиқаришни жадал ривожлантириш, мавжуд қувватларни модернизациялаш ва технологик жиҳатдан янгилаш жараёнини жадаллаштириш ҳисобига мамлакат иқтисодиётининг рақобатбардорлигини оширишни таъминлайдиган комплекс чора-тадбирлар ишлаб чиқиш ва амалга ошириш вазифаси қўйилди. Транспорт ва муҳандислик-коммуникация инфратузилмасини жадал ривожлантиришни таъминлаш, қишлоқлар қиёфасини тўбора ўзгартiriш ва қишлоқ жойларда уй-жой қурилишини ривожлантириш, янги иш ўринларини ташкил этиш ҳамда шу асосда аҳоли бандлиги ва фаровонлигини ошириш масалаларини самарали ҳал этиш бўйича аниқ чора-тадбирлар белгиланди.

Жорий йилнинг “Мустаҳкам оила йили” деб эълон қилиниши муносабати билан 2012 йилга белгиланган мақсадларга эришиш бўйича дастурий чора-тадбирларни амалга ошириш, шу жумладан, жамиятининг маънавий асосларини янада ривожлантиришда оиланинг аҳамиятини юксалтириш, хар бир оиланинг моддий фаровонлигини ошириш муаммоларини ҳал этишда давлат ва жамият томонидан эътибор ва ғамхўрлик қўйирилиши зарурлигига алоҳида эътибор қаратилди.

Кун тартибидagi масалалар бўйича вазирликлар, идоралар, ташкилотлар ва республика худудлари раҳбарлари сўзга чиқдилар. Республика ҳукумати мажлисида қўйилган масалалар муҳокамаси яқуни бўйича қарор қабул қилинди. Қарорда 2012 йилда мамлакатимизни ижтимоий-иқтисодий ривожлантириш дастурининг энг муҳим вазифалари амалга оширилишини таъминлаш юзасидан амалий чора-тадбирлар белгиланди.

(ЎЗА).

Аъло АБДУЛЛАЕВ олган сурат.







Шу кунларда мамлакатимизда республика Байналмилал маданият маркази ташкил этилганлигининг 20 йиллиги кенг нишонланмоқда. Мазкур сана муносабати билан жойларда турли анжуманлар, давра сўхбатлари, маданий-маърифий тадбирлар ўтказилапти. Ўзбекистон Республикаси Фанлар академиясида бўлиб ўтган "Ўзбекистон мустақиллиги — миллатлараро муносабатлар ривожига янги давр" мавзuidaги республика илмий-амалий конференцияси ҳам ана шу санага бағишланди.

## ЯГОНА ОИЛАНING АХИЛ ФАРЗАНДЛАРИ

Таъкидланганидек, истиқлол йилларида мамлакатимизда Президентимиз раҳнамолигида барча соҳаларда олиб борилаётган кенг кўламли иш-хотлар тўғрисида улкан ютуқларга эришилмоқда. Бунда ўзимизга хос ва мос тараққиёт йўлининг узвий қисми ҳисобланган миллатлар ҳамда динлараро тотувлик, олийжаноблик, меҳр-оқибат, ҳамжиҳатлик ва бағрикенглик таъминловчи бўлиб қолган амал қилинаётгани мумкин омил бўлмоқда. Конституцияимизнинг 18-моддасида "Ўзбекистон Республикасида барча фуқаролар бир хил ҳуқуқ ва эркинликларга эга бўлиб, жинси, ирки, миллати, тили, дини, ижтимоий келиби, ҳиммати, эътиқоди, шахси ва ижтимоий мавқеидан қатъи назар, қонун олдида тенгдирлар", деб белгилаб қўйилган. Шу асосда бугун юртимизда 130 дан ортиқ миллат ва элат вакиллари бир оила фарзандларидек, тенг ҳуқуқлилик ҳамда ўзаро ҳамжиҳатликда яшаб, Ватанимиз мустақиллигини мустақамлашга муносиб ҳисса қўшиб келмоқдалар.

Уларнинг ҳуқуқ ва эркинликлари, қонуний манфаатларини таъминлаш, таълим олишлари, ўз қизиқиш ва лаёқатлари бўйича касб-хунар эгаллашлари, мадани-

ятлари, урф-одатлари, анъаналарини сақлаш ҳамда ривожлантиришлари учун зарур имкониятлар яратиб берилган. Мамлакатимизда бир юз қирқдан зиёд миллий маданий марказлар фаолият юритмоқда. Давлатимиз раҳбари ташаббуси билан мазкур марказлар фаолиятини мувофиқлаштириш, уларга амалий ва услубий ёрдам кўрсатиш мақсадида 1992 йил январда республика Байналмилал маданият маркази ташкил этилди. У жамиятимиздаги тинчлик ва осойишталик, миллатлараро тотувликни янада мустақамлаш, миллий ва умумбашарий анъаналарни раванқ топтириш, уларнинг мазмун-моҳиятини кенг тарғиб қилишга баҳоли қудрат ўз хиссасини қўшиб келмоқда. Жойларда анъанавий тарзда ўтказилаётган маънавий-маърифий анжуманлар, конференциялар, дўстлик фестиваллари, кўрик-танловлар, концерт дастурлари ҳамда турли кургазма шулар сирасига киради. Масалан, "Миллий ғоя — бизнинг ғоя", "Мақсад бир, ғоя бир, Ватан ягона!", "Миллатлараро тотувлик — тинчлик ва барқарорлик омили" каби мавзуларда илмий-амалий анжуманлар, "Ўзбекистон — умумий уйимиз", "Қудратимиз —

## «Олтин қалам»: МАҲОРАТ ВА ИСТЕЪДОД ТАНЛОВИ

Ўзбекистон Миллий матбуот марказида журналистика соҳасида "Олтин қалам" VII Миллий мукофоти учун халқаро танловга тайёрларлик кўриш ва уни ўтказиш бўйича ташкилий қўмитанинг йиғилиши бўлиб ўтди. Унда тегишли вазирлик ва идоралар, ижодий ва жамоат ташкилотлари ҳамда оммавий ахборот воситалари вакиллари қатнашди.

### ■ Анжуман

Президентимиз ташаббуси билан таъсис этилган, Ўзбекистон Журналистлари ижодий уюшмаси ҳамда Журналистларни қайта тайёрлаш халқаро маркази томонидан бир қатор вазирлик ва ташкилотлар ҳамкорлигида ўтказиш келинаётган мазкур танловдан кўзланган асосий мақсад миллий ва халқаро журналистика ютуқларини омаллаштириш, ОАВ ходимлари фуқаролик позицияларини намоён этиши учун шароит яратиш, журналистларда танқидий фикрлаш ҳамда ижодий фаолиятга янгича ёндашувларни шакллантиришдан иборатдир. Йиғилишда таъкидланганидек,

танловнинг нуфузи ва кўлами йилдан-йилга ошиб бормоқда. Жумладан, 2006 йилда ўтказилган "Олтин қалам" I Миллий мукофоти учун танловда 13 (3 та асосий, 10 та рағбатлантирувчи) номинация таъсис этилган бўлса, ўтган йили 27 (битта бош, 12 та асосий ва 14 та рағбатлантирувчи) номинацияда голиблар аниқланди. Улардан бири юртимиз ҳаёти, мамлакатимизда амалга оширилаётган демократик ислохот ва янгиланишлар жараёнини холис ҳамда ҳаққоний ёритган чет эллик журналистлар учун ажратилаётгани танлов кўламини янада кенгайтиришда му-

ҳим аҳамият касб этмоқда. Маълумот ўрнида айтиш лозимки, шу пайтгача ўтган танловларда 155 журналист асосий ва рағбатлантирувчи мукофотларга сазовор бўлди. 35 ижодкор эса танлов доирасида юртимизда фаолият олиб бораётган халқаро ташкилотлар томонидан тақдирланди.



зиш билан боғлиқ сарф-харажатлар Ўзбекистон Республикаси Олий Мажлиси ҳузуридаги Нодавлат нотижорат ташкилотларини ва фуқаролик жамиятининг бошқа институтларини қўллаб-қувватлаш жамоат фонди томонидан молиялаштирилади. Шу ўринда танловнинг рағбатлантирувчи мукофотлари қаторига "Мустақам оила йилига бағишланган энг яхши материал учун" номинацияси киритилганлигини ҳам айтиб ўтиш жоиз. Қолаверса, бир қатор халқаро ташкилотлар ваколатхоналари томонидан турли мукофотлар таъсис этилган.

Танлов голиб ва совриндорлари 3 май — Жаҳон матбуоти эркинлиги қуни муносабати билан ташкил этиладиган тантанали маросимда эълон қилинади.

**Зокир ХУДОЙШУКУРОВ,**  
«Халқ сўзи» мухбири.

## Қулай, кўркам, замонавий

Чирчиқ шаҳридаги Олимпия заҳиралари касб-хунар коллежида ёшларнинг сув спорти билан шуғулланишлари учун қулайлик яратилди. Бу ердаги мавжуд иккита очиқ ва ёпиқ сув спорти иншоотида кенг кўламли таъмирлаш ишлари олиб борилди.

### ■ Яхши хабар

Бунинг учун "Осиё ФИБ" хусусий корхонаси бунёдкорлари томонидан 280,3 миллион сўмлик қурилиш-таъмирлаш ишлари бажарилди. Мазкур лойиҳа Болалар спортни ривожлантириш жағмармаси маблағлари ҳисобидан молиялаштирилди. Шу билан бирга, муассасага жағмарма томонидан 32,4 миллион сўмлик турли сув спорти анжомлари ҳам тўхфа этилди.

### ■ Дикқат, танлов!

Ўзбекистон Журналистлари ижодий уюшмаси Журналистларни қайта тайёрлаш халқаро маркази билан ҳамкорликда миллий ва халқаро журналистиканинг энг юксак ютуқларини кенг омаллаштириш, ОАВ ходимлари фуқаролик позицияларини намоён этишлари учун шароит яратиш ҳамда журналистларда танқидий фикрлашни ва ижодий фаолиятга янгича ёндашувларни шакллантириш мақсадида "Олтин қалам" VII Миллий мукофоти учун халқаро танловни ўтказди.

## ЖУРНАЛИСТИКА СОҲАСИДА «ОЛТИН ҚАЛАМ» VII МИЛЛИЙ МУКОФОТИ

3 май — Жаҳон матбуоти эркинлиги қунига бағишланган бу танловга 2011 йилнинг 31 мартдан 2012 йилнинг 31 мартгача — бир йил давомида газет ва журналларда чоп этилган, радио орқали эфирга узатилган ҳамда телевидениеда кўрсатилган ва интернет нашрларида берилган материаллар 2012 йилнинг 10 апрелигача қабул қилинади.

Танлов голиблари учун қуйидаги мукофотлар таъсис этилган:  
**Журналистика соҳасида бош миллий мукофот.** Голиб махсус диплом, "Олтин қалам" кўрак нишони, статутаси ва Ўзбекистон Республикасида белгиланган энг кам иш ҳақининг 200 баробари миқдорда пул мукофоти билан тақдирланади.

**Асосий мукофотлар:**  
Энг яхши журналистик материал учун миллий мукофот (телевидение — 1, 2, 3-ўринлар);  
Энг яхши журналистик материал учун миллий мукофот (радио — 1, 2, 3-ўринлар);  
Энг яхши журналистик материал учун миллий мукофот (босма ОАВ — 1, 2, 3-ўринлар);  
Энг яхши журналистик материал учун миллий мукофот (интернет-журналистика — 1, 2, 3-ўринлар).  
Биринчи ўринни олган голиблар диплом, "Олтин қалам" кўрак нишони, статутаси ва энг кам иш ҳақининг 160 баробари миқдорда пул мукофоти билан тақдирланади.

Иккинчи ўринни олган голиблар диплом, "Олтин қалам" кўрак нишони, статутаси ва энг кам иш ҳақининг 140 баробари миқдорда пул мукофоти билан тақдирланади.  
Учинчи ўринни олган голиблар диплом, "Олтин қалам" кўрак нишони, статутаси ва энг кам иш ҳақининг 120 баробари миқдорда пул мукофоти билан тақдирланади.

## ҲАМЖИҲАТЛИКДА ҲИҚМАТ БОР

Халқимиз азалдан бағрикенглик, тотувлик ва аҳилликни қадрлаб келган. Зеро, ушбу хислатлар эъзозланган юрда тинчлик барқарор, фаровонлик бардавом бўлади. Мамлакатимизда истиқомат қилиб келаётган турли миллат вакилларининг таҳририятимизга йўллаган дил сўзлари ҳам бу фикримизни тасдиқлайди.

### ■ Ўзбекистон — умумий уйимиз

**Гулноза АББАСОВА,**  
**Гулистон шаҳридаги 4-оилавий поликлиника бош шифокори:**  
— Инсон ўз киндик қони тўқилган жойни ази-зу муқаррам санайди. Озарбойжон миллатига мансуб бўлсам-да, аждодларим яшаб ўтган, ўзим тўғилиб-ўсган Ўзбекистонни Ватаним деб биламан. 1990 йилда Тошкент

педиатрия институтини тамомлаб, Гулистондаги 1-оилавий поликлиникада иш бошлаганим. 4-оилавий поликлиниканинг бош шифокориман. Турмуш ўртоғим Муслим Аббасов заводда бош муҳандис. Уч нафар фарзандимиз бор. Ўғлим Фахриддин отасининг қаватига кирган. Қизим Аида ўзим ўқиган ин-

ститутнинг 4-босқич талабаси. Юртимизда барча миллат ва элат вакиллариинг эмин-эркин яшашлари, ишлашлари учун шарт-шароитлар яратилган. Буни ўз оилам мисолида ҳам кўраман. Виложатимизда Озарбойжон миллий маданий маркази ҳам фаолият олиб бораёпти. Бу ерда миллий байрамларимиз-

ни катта шодийна тарзида нишонлаймиз. Бундай эътибор ва ғамхўрлик мамлакатимиздаги бағрикенглик, миллатлараро тотувликнинг амалий самарасидир.  
**Валерий Юн Вон ЧУН,**  
**Қуй Чирчиқ туманидаги 35-умумтаълим мактаби директори:**  
— Айни пайтда вилоятимизда 100 дан ортиқ миллат ва элат вакиллари худди бир оила фарзандларидек аҳил-иноқ яшамоқдалар. Улар сафида бизнинг корейс миллатига мансуб юртдошларимиз ҳам кўпчиликни ташкил этади.

Кувонарлиси, барчамиз қандай соҳада фаолият юритишимиздан қатъи назар, салмоқли муваффақиятларни қўлга киритаяпмиз.  
Ўзим салкам йигирма йилдан буён ёшлар таълим-тарбияси билан шуғулланиб келяпман. Ўнга яқин миллатга мансуб фарзандларимиз таҳсил олаётган мактабимизда дарсдор икки — ўзбек ва рус тилларида олиб боришмоқда. Ўқувчиларимиз фан олимпиадаларида, қатор танловларда, спорт мусобақаларида совриндор бўлишаёпти. Мен ана шу юртининг бир фарзанди сифатида унинг келажаги бўлган ёшлар тарбиясига ҳисса қўшаётганимдан фахрланаман.

**Халқ сўзи**  
**Народное слово**

**МУАССИСЛАР:**  
Ўзбекистон Республикаси Олий Мажлиси Қонуңчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

**Бош муҳаррир Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 154. 104 631 нусхада босилди. Ҳажми — 2 табоқ. Офсет усулида босилган. Қоғоз бичими А—2. Баҳоиси келишилган нархда.

ТЕЛЕФОНЛАР:  
Девонхона 233-52-55;  
Котибият 233-10-28; Ўзъллар 232-11-15.

Ил 7 декабрдаги 2011-38, 77-сонли қарори.  
2012 йил 12 январда 2200-1-сон билан рўйхатдан ўтказилди (2012 йил 22 январдан қучга қиради).  
7. «Якка тартибда уй-жой қуриш (деҳқон хўжалигини юритиш) учун ер участкаларига мерос қилиб қолдирилган умрбод эгалик қилиш ҳуқуқини реализация қилиш бўйича очиқ аукцион савдоларини ташкил этиш ва ўтказиш тартиби тўғрисида» Ўзбекистон Республикаси Давлат мулкни бошқариш давлат қўмитасининг 2011 йил 9 декабрдаги 01/09-18/13-сонли қарори.  
2012 йил 13 январда 2314-сон билан рўйхатдан ўтказилди (2012 йил 23 январдан қучга қиради).  
(Давоми бор).

Таҳририятга келган қўлёзмалар таҳрир қилинмайди ва муаллифга қайтарилмайди.  
Реклама материаллари учун таҳририят жавобгар эмас.  
Газета таҳририят компьютер марказида терилди ҳамда операторлар Ж. Тоғоев ва М. Бемуратов томонидан саҳифаланди.

**• МАНЗИЛИМИЗ:**  
100000,  
Тошкент шаҳри,  
Матбуотчилар кўчаси, 32-уй.  
Навбатчи котиб — Ю. Ҳамидов.  
Навбатчи муҳаррир — М. Жонхоннов.  
Навбатчи — С. Махсумов.  
Мусахҳад — Ш. Машраббоев.

«Шарқ» нашриёт-матбаа акциядорлик компанияси босмахонаси. Корхона манзили: «Буюк Турон» кўчаси, 41. ЎЗА ақчаси — 22.00 Топширилди — 23.55 1 2 3 4 5